

RIJEČ GLAVNE UREDNICE

Medžida Mulić

Draga čitateljice, dragi čitaocē,
poštovane i uvažene kolegice i kolege,

Nadam se da dijelite našu radost i zadovoljstvo što u rukama imate 40-ti broj našeg i Vašeg *Geodetskog glasnika*.

Zahvalni smo autorima na člancima kao i recenzentima na njihovom doprinosu. Bez njihovog uloženog truda, znanja i vremena, *Geodetski glasnik* ne bi izašao. Iza nas je period od tri godine kada, zbog nedostatka članaka i drugih objektivnih razloga, nismo štampali naš časopis. Podstičemo sve naše čitaocē da pišu o svom radu i šalju nam članke i na taj način pomognu redovno izdavanje našeg glasila. Tako bi postigli da kolege imaju uvid u projekte kojima se bavite, koje inovacije uvodite, koje ste uspjehe postigli, ili sa kojim problemima se susrećete tokom implementacije svojih projekata. Svi bi tako imali uvida u vaše stručno i naučno napredovanje. Sa radošću ćemo objaviti Vaše članke ukoliko zadovoljavaju naučne ili stručne kriterije. Upute za pisanje možete naći na stranici broj 148.

Ovaj broj po prvi put izlazi u boji. Realizacija je to naše želje za boljim kvalitetom i boljom prezentacijom izložene materije. Za bolju tehničku uređenost broja 40 *Geodetskog glasnika* zahvalnost pripada Doc.dr.sc. Admiru Mulahusiću i Mr.sc. Nedimu Tunić, koji nisu žalili truda da tehnička obrada ovog broja bude značajno bolja. Za tehničke pogreške u broju 39 iskreno se izvinjavamo.

Prilika je ovo da Vas informiramo da je odlučeno da *Savez udruženja građana geodetske struke Bosne i Hercegovine* usvoji svoj logo, te pozivamo sve zainteresirane da nam šalju prijedloge. Komisija će pregledati prispjele prijedloge i predložiti najzanimljivije pristigle prijedloge za oficijelni logo Udruženja. Nova e-mail adresa našeg časopisa je: geodetski.glasnik@gf.unsa.ba. Izrada web stranice Udruženja je u toku. Sve stare brojeve *Geodetskog glasnika* objavit ćemo na web-u.

Uz nadu da će čitanje stranica koje slijede biti zanimljivo i korisno za naše čitatelje podstičemo Vas da nam pišete i šaljete Vaše radove.

Posebno se zahvaljujem Federalnoj upravi za geodetske i imovinsko pravne poslove i kompanijama Zedis d.o.o. Zenica, AMG d.o.o. Visoko, Gauss d.o.o. Tuzla, BNpro d.o.o. Sarajevo, Geoprof d.o.o. Sarajevo, GeoWILD d.o.o. Sarajevo i GeoKOM d.o.o., Sarajevo koje su finansijski pomogle štampanje ovog broja.